

Die Miliz scheert sich nit drum

Es Telefon hat geklingelt, am anre End hat sich e Schulkumrad vum Vetter Martin gemeld: de Mischu. Na, des war e Freed, die zwaa han vor 40 Jahr mitnaner in Neiarad die Schulbank gedrickt un sich seitdem aus de Aue verlör. Jetz sin se Pensioniste, de Mischu lebt in Arad un de Martin in Temeschwar. Noh eener halwi Stund han se sich verabred ghat, dass se sich in Neiarad treffe, ihre Schul bsuche un Erinnerunge austausche.

Die Bäsl Nani war nit so sehr inverstann, dass ihre Martin jetz im Winter de rumkollert, mitm Zug fahrt un sich noch amend e Erkältung zuzieht. Doch nix hat gholp, de Martin is uf Arad an eem friehe Morjet gfahr. Er hat sich e Tach zuvor die Zugverbindung rausgsucht un versprochen, nohhmittachs geger drei Uhr werd er wieder in Temeschwar sin. Wies awer schun vier Uhr war un er noch immer nit do, hat die Bäsl Nani anfang sich Sorche zu mache. Greift korzerhand zum Telefon un ruft de Martin uf seim Händi an. Wie se ne awer so komisch rede gheert hat, hat se gewisst, wievill die Uhr gschlaa hat un dass de Martin mit Sicherheit im Wertshaus war. Noh wieder eener Stund hat se ne erneut angeklingelt, jetz hat er nor noch lalle kenne. Komischerweis hat er gsaat, dass er im Park vun Andrees rumfällt. Jetz hat die Bäsl Nani Seresch kriet un Ängschter ghat, dass em was passiere kennt. Der is sicher in Andrees anstatt in Temeschwara ausgstie, hat se sich gedenkt. Was jetz? Wann der Martin so sternhaglvoll is, wer weess, was dem infällt. Er is doch a mitm Blutdruck un zuckerkrank!

Sie iwerleet hin un her, bis er infällt, dorte in dem Andrees muss es doch e Miliz gin! Sie froot telefonisch bei der Information weger der Nummer vun der Andreeser Miliz. Hat Glick und erwischt de Milizmann. Sie erklärt dem, was los is. Doch de Miliz antwort korz angebunn: „Wisst der Bäsl, do hätte mer jo vill zu tun, wann mer alli Bsoffeni nohlaafe täte. Der werd schun wieder hemkumme, wann er nichter is!“

Inzwische is es Owet gin, der Bäsl Nani wars nit alles ens. Sie ruft de Martin nohmol an dem Händi an un froot, wu er dann is, in dem Andrees. Na wenschtens hat er antworte kenne un verrot, er sei am Bahnhof. Jetz hat se nimi lang iwerleet un ghandelt. Schnell anziehe, in e Taxi insteije un je geger Andrees. Dem Taxifahrer hat se ufm Wech erklärt, um was es geht. Un der Mann war so anständig, nit abzulehne. Am Andreeser Bahnhof ankumm, finne se de Martin im Wartesaal. Er war dorte ingschloft. Sie han ne in des Taxi verfracht un se je geger hem.

Es hat an sellem Owet ke Wert ghat, zu schenne. Doch am anre Morjet hat de Martin sei Teel zu heere kriet. Am Kopp hat er e Knappe un blooi Flecke ghat. Gottseidank ware sei siewe Quetsche im Schreibbiechl. Doch er hat ständich abgewehrt un gebitt, nimi derdriwert zu rede. Er muss sich stark gschämt han.